

葛僊翁肘后备急方

卷五六



第五冊

卷五

治癰疽妬乳諸毒腫方

治腸癰肺癰方

治卒發丹火惡毒瘡方

治癰癰疥漆瘡諸惡瘡方

治卒得癩皮毛變黑方

治卒得蟲鼠諸癰方

治卒陰腫痛頰卵方



葛仙翁肘後備急方卷之五

陞五

治癰疽如乳諸毒腫方第三十六

隱居效方治羊疽瘡有蟲痒

附子八分藜蘆二分末傳之蟲自然出

葛氏療始發諸癰疽發背及乳方

皆灸其上百壯

又方熬粢粉令黑雞子白和之塗練上以貼癰小穿
練上作小口泄毒氣燥易之神祕

又方釜底土搗以雞子中黃和塗之加少鼓彌良
又方搗黃檗末篩雞子白和厚塗之乾復易差



又方燒鹿角搗末以苦酒和塗之佳

又方於石上水磨鹿角取濁汁塗癰上乾復易隨手

消

又方末半夏雞子白和塗之水磨傅並良

又方神效水磨出小品

又方醋和茱萸若搗薑或小蒜傅之並良

一切惡毒腫

蔓菁根一大握無以龍葵根代之乳頭香一兩光

明者黃連一兩宣州者杏仁四十九枚去尖用柳

木取三四錢白色者各細剉搗二三百杵團作餅

子厚三四分可腫處大小貼之乾復易立散別貼膏藥治瘡處佳

葛氏療癰發數十處方

取牛矢燒搗末以雞子白和塗之乾復易神效

又方用鹿角桂雞屎別搗燒合和雞子白和塗乾復

上

又癰已有膿當使壞方

取白雞兩翅羽肢各一枚燒服之卽穿姚同

又方吞薏苡子一枚勿多

又方以苦酒和雀矢塗癰頭上如小豆



葛氏若已結癰使聚不更長方

小豆末塗若雞子白和尤佳卽差

又方芫花末膠汁和貼上燥復易化爲水

若潰後膿血不止急痛

取生白楸葉十重貼上布帛寬縛之

乳腫

桂心甘草各二分烏頭一分炮搗爲末和苦酒塗
紙覆之膿化爲水則神效

葛氏婦女乳癰如腫

削柳根皮熟搗火溫帛囊貯熨之冷更易大良



又方取研米槌煑令沸絮中覆乳以熨上當用二枚
牙熨之數十迴止姚云神效

乳癰方

大黃茵草伏龍肝竈下黃土也生薑各二分先以
三物搗篩又合生薑搗以醋和塗乳痛則止極驗
劉涓子不用生薑用生薑四分分等余比見用鯽
魚立驗此方小品佳

姚氏乳癰

大黃鼠糞濕者黃連各一分二物爲末鼠矢更搗
以黍米粥清和傅乳四邊痛卽止愈無黍米用粳



米並得

又方牛馬矢傳並佳此並消去

小品妬方

黃芩白斂芍藥分等末篩漿服一錢七日五服若

右乳結者將左乳汁服左乳結者將右乳汁服散

消根姚同此方必愈

姚方搗生地黃傳之熟則易小豆亦佳

又云二三百眾療不差但堅紫色者

用前柳根皮法云熬令溫熨腫一宿愈

凡乳汁不得洩內結名妬乳乃急於癰



徐玉療乳中瘰癧起痛方

大黃黃連各三兩水五升煮取一升二合分三服
得下卽愈

葛氏卒毒腫起急痛方

蕪菁根大者削去上皮熟搗苦酒和如泥煮二沸
急攪之出傳腫帛裹上日再三易用子亦良

又方燒牛矢末苦酒和傳上乾復易

又方水和石灰封上又苦酒磨升麻若青木香或紫
檀以磨傳上良

又方取水中萍子草熟搗以傳上



又已入腹者

麝香薰陸香青木香雞舌香各一兩以水四升煮

取二升分爲再服

若惡核腫結不肯散者

吳茱萸小蒜分等合搗傅之丹蒜亦得

又方搗鯽魚以傅之

若風腫多痒按之隨手起或隱癰方

但令痛以手摩挐抑按日數度自消

又方以苦酒磨桂若獨活數傅之良

身體頭面忽有暴腫處如吹方



巴豆三十枚連皮碎水五升煮取三升去滓綿沾以拭腫上趁手消勿近口

皮肉卒腫起狹長赤痛名膈

鹿角五兩白斂一兩牡蠣四兩附子一兩搗篩和苦酒塗帛上燥復易

小品癰結腫堅如石或如大核色不變或作石癰不消

鹿角八兩燒作灰白斂二兩麤理黃色磨石一斤燒令赤三物搗作末以苦酒和泥厚塗癰上燥更塗取消止內服連翹湯下之姚方云燒石令極赤



內五升苦酒中復燒又內苦酒中令減半止搗石
和藥先用所餘苦酒不足添上用

姚方若發腫至堅而有根者名曰石癰

當上灸百壯石子當碎出不出者可益壯癰疽瘡
石癰結筋癰癰皆不可就針角針角者少有不
及禍者也

又癰未潰方

茵草末和雞子白塗紙令厚貼上燥復易得痛自
差

癰腫振燼不可棖方



大黃搗篩以苦酒和貼腫上燥易不過三卽差減
不復作膿自消除甚神驗也

癰腫未成膿

取牛耳垢封之卽愈

若惡肉不盡者食肉藥食去以膏塗之則愈食肉方
取白炭灰荻灰等分煎令如膏此不宜預作十日
則歇并可與去黑子此大毒若用效驗本方用法
凡癰腫用

枯蘘根赤小豆皆當內苦酒中五宿出熬之畢搗
爲散以苦酒和塗紙上貼腫驗



隱居效方消癰腫

白斂二分 藜蘆一分爲末 酒和如泥貼上日三

良 疽瘡骨出

黃連牡蠣各二分爲末 先鹽酒洗後傳

葛氏忽得燔疽著手足肩累累如米豆刮汁出急療之

熬蕪菁熟搗裹以展轉其上日夜勿止

若發疽於十指端及色赤黑甚難療宜按大方非單方所及



若骨疽積年一捏一汁出不差

熬末膠耜勃瘡上乃破生鯉魚以搗之如炊頭刮
視有小蟲出更洗傳藥蟲盡則便止差

姚方云燍疽者肉中忽生一黧子如豆粟劇者如梅
李大或赤或黑或白或青其鑿有核核有深根應心
小久四面悉腫疱黯黧紫黑色能爛壞筋骨毒入臟
腑煞人南方人名爲搗著毒

著厚肉處皆割之亦燒鐵令赤烙赤三上令焦如
炭亦灸黯炮上百壯爲佳早春酸草葉薄其四面
防其長也飲葵根汁犀角汁升麻汁折其熱內外



療依丹毒法也

劉涓子療癰疽發壞出膿血生肉黃耆膏

黃耆芍藥大黃當歸芎藭獨活白芷薤白各二兩
生地黃三兩九物切猪膏二升半煎三上三下膏
成絞去滓傅充瘡中摩左右日三敷
又丹癰疽始發浸淫進長并少小丹搗方

升麻黃連大黃芎藭各二兩黃芩芒消各三兩當
歸甘草炙羚羊角各一兩九物咬咀水一斗三升
煮取五升去滓還內鎗中芒消上杖攪令成膏適
令熱貼帛搗腫上數度便隨手消散玉練甘林所



祕方慎不可近陰

又燂瘡浸淫多汁日就浸大胡粉散

胡粉熬甘草炙藺茹黃連各二分四物搗散篩以粉瘡曰三極驗

諸疽瘡膏方

蠟亂髮礬石松脂各一兩猪膏四兩五物先下髮髮消下礬石礬石消下松脂松脂消下蠟蠟消下猪膏塗瘡上

赤龍皮湯洗諸敗爛瘡方

槲樹皮切三升以水一斗煮取五升春夏冷用秋

